

REPELLENTIBVS *modicè, viâsque per  
quas materia ruit, contrahentibus.*

Fomentatio fiat ex aqua tepida sæpius in die, in qua coquantur rosæ, violæ, flores nymphææ, folia & radices plantaginis, semina papaueris albi, myrt. lorum, radices mandragoræ; hinc versus augmentum addemus prædictis folia maluæ, camomillæ, meliloti.

Circa statum, addemus fœnugræci semina.

Instilletur oculis aqua rosacea.

Collyrium ex tragacantho, pompholyge, gummi Arabico, mastiche, bolo Armena, corallo rubro, quibus parum opii addere possumus, si dolor istis medicamentis non superetur, efficaciam enim magna fluxum humorum sistit.

Liquor oui lacte mulieris permixtus oculis apponatur, aut idem liquor cum decocto papaueris albi, aut aqua rosacea, mulierisque lacte commixtus.

Aqua rosacea, solani, plantaginis, in quibus papaueris semina decoquantur, quibus tandem etiam liquor albuminis oui conquassati permiscebitur.

Trochisci albi Rasis cum aqua rosacea dissoluantur, si dolor magnus adsit.

Cataplasmata ex capitibus papauerum, rosis, balauistiis, solano, plantagine, corticibus granatorum, bolo Armena, sanguine draconis; fronti temporibusque adpretetur cum oui vitello.

Emplastrum ex farina fabacea, semine lini, fœnugræci, aceto, albuto, albumine oui, fronti applicetur.

Si per venas & arterias fluat humor extra craneum existentes, oculis imponantur non multum stiptica; periculum enim ex fortioribus impendet, ne materia intro pellatur ad oculorum nervorumque concavitate, sicque cataractam excitatemque inducant perpetuam; quod magis quoque metuendum erit si per venas fluat materia in craneo hærentes, cum sic quoque validius congelent materiam circa nervos opticos.

In